



Inatsisartunut ilaasortaq Per Rosing-Petersen, Parti Naleraq
-/Maani

**Tarnikkut napparsimasunik katsorsaaneq Kulturilu pillugit § 37 2016-094-mut
akissut**

Asasara Per Rosing-Petersen

Inatsisartut suleriaasiat naapertorlugu tarnikkut napparsimasunik katsorsaaneq kulturilu
pillugit apeqqutinnut qujanaq. Apeqqutitit ataani akissavakka.

- 1. Piffissaq kingulleq politikikkut tusagassiorfikkullu tupinnanngitsumik
tarnikkut innarluuteqartunut atugassarititat eqqartorneqarput, taakkulu
katsorsarneqarluarnissaat pingaarutilerujussuuvoq, tamanna qanoq
qulakkeerniarneqarpa?**

Akissut: Tarnikkut innarluutilinnut akisussaaneq peqqinnissaqarfiup kommunillu
akornanni avitseqatigiissutiginneqarpoq. Inuit tarnikkut nappaatillit nappaataasa
suussusersinerinut katsorsarneqarnerallu peqqinnissaqarfimmit akisussaaffigineqarput.
Inunnut innarluutilinnut – matumani ilanngullugit tarnikkut nappaatillit –
isumaginninnikkut tarnikkut nappaatilinnut suliasatigut naammassinnineq
suliniuteqarnerlu kommunip suliasaraa.

Tarnikkut napparsimasunik katsorsaaneermi nappaatip suussusersineranut
katsorsarneqarnerallu nakorsartinnermi suliasat, nakorsanit immikkut ilinniarsimasunit
suliarineqartarput.

Innuttaasunut tamanut tarnikkut nappaatilinnut piukkunnaateqartumik
katsorsartinnissamut neqeroorut ullumikkut peqqinnissaqarfiup isumannaallisarpaa.
Napparsimavinni, peqqissaavinni nakorsiarnernilu nalinginnaasumik katsorsaaneerit
saniatigut tarnikkut napparsimasunik katsorsaaneerup iluani Telepsykiatri atorlugu
tarnikkut napparsimasunik katsorsartinnissamut neqeroorut pitsaasuuvoq
ineriartorneqarsimallunilu. Telepsykiatri atorlugu tarnikkut nappaatilinnik katsorsaaneq
innuttaasunut imminnut toqunissamut ulorianartorsiortunut allanullu tarnikkut
nappaatilinnut katsorsaaneermi ajornartorsiutinut nuna tamakkerlugu tarnip pissusiinik
ilisimasalimmik oqaloqateqarnissamut periarfissiivoq. Saniatigut sinerissami illoqarfinnut
amerlanernut ukiumoortumik siunnersortinik angalasoqartarpoq, illoqarfinni amerlanerni
nunap ilaani tarnikkut nappaatilinnut katsorsaaneermi nakorsartitsinerit pillugit
neqeroorutit aamma Nuummi tarnikkut nappaatilinnut katsorsaaneermi
immikkoortartaqarfik A1-imut unitsinneqarnissaq periarfissaavoq.

Napparsimasup uninngareernerata kingorna nakkutillineq angerlarsimaffimmut
pulaarnermi – imaluunniit illoqarfigisami napparsimavimmud peqqissaavimmulluunniit

11-04-2016
Sags nr. 2016 - 5552
Akt nr. 2405259

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

napparsimasup tarnikkut nappaatilinnut katsorsaannermi immikkoortortaqaarfimmut aggernikkut pisarpoq. Nakkutillineq pisarpoq nakorsaatilik tunniussinermi aamma napparsimasup maannakkut pisut pillugit oqaloqatigineratigut pisarpoq. Nakkutillinerup annertussusaa apeqqutaasarpog napparsimasup suleqatiginninnera napparsimasullu pisariaqatitaanik nalilerneqarnera. Napparsimasog navianartorsiorpat napparsimaveqarfimmi peqqissaavimmiluunniit isumaqatigiissutaareersunut takkutinngippat angerlarsimaffianut aggertoqartarpoq.

Immikkoortortaqaarfik A1 siunertaraa napparsimasup angerlartilernerani napparsimasup ilaqutai, sullissisua immikkoortotamilu tarnip pissusaanik ilisimasalimmik peqataasumik ataatsimiisitsisarneq. Napparsimasog sinerissamut angerlartinneqarpat angerlartinnermi oqaloqatigiinneq najukkami napparsimavimmi telemedicin atorlugu pisarpoq. Taassuma saniatigut napparsimasup angerlareernerata kingorna nakorsamik immikkut ilisimasalimmik malittarineqarneranik qulakkeerinnissutaassaaq.

Pisinnaasoqartillugu napparsimasut amerlanerit angerlareernerup kingorna tarnip pissusaanik ilisimasalimmik nakorsamilluunniit oqaloqatiginninnermik nakorsartitsisoqartarpoq. Najukkami napparsimavimmi imaluunniit ukiumoortumik siunnersortimik angalasoqartillugu malittarineqartarput. Nuummi immikkoortumi tarnip pissusaanik nakorsamit malittarineqartarput.

Taakku saniatigut napparsimasup pisariaqartitsinera tunngavigalugu telepsykiatri atorlugu katsorsarneqarsinnaapput aamma tamanna angerlartinneqareernerup kingorna pilersaarutaasimangikkaluarpalluunniit.

2. Inuup kinaassusaa arlalinnik tunngaveqarpoq, tassanilu pingaarutilimmik aamma kulturikkut kinaassuseqarnerput, tamanna qanoq peqqinnissaqarfimmi qulakkeerneqartarpa?

Akissut: Peqqinnissaqarfiup napparsimasunik katsorsaannermi tamatigut oqaasit kulturilu isiginiartarpei. Innuttaasog kinaluunniit – peqqissoq napparsimasorluunniit – inooqatigiinnermut kulturimullu atatillugu ilaasutut isigineqassaaq tamannalu malillugu katsorsarneqassalluni. Nappaatip suussusersinerani katsorsarneranilu oqaloqatigiinneq sakkuvog pingaarutilik. Tarnikkut napparsimasunik katsorsaannermi sulisut amerlanerit najugaqavissuupput, amerlanerussuteqartullu kalaallisut oqaaseqarlutik. Kisianni nakorsanut immikkut paasisimasalinnut qaffasissusilinnut oqaasit tunngatillugu unammilligassaqarpugut. Ajornartorsiut taanna oqalutsit annertuumik atornerisigut napparsimasullu pillugit ataatsimoorussamik ataatsimiinnertigut aaqqiiffigineqartarpoq isiginniffinnit tamanit pisariaqartitsinerinut tunngasut qulaajaaffigineqartarput.

Peqqinnissaqarfik tarnikkut napparsimasunik katsorsaannerup iluani nakorsat inuusunnerusut ilinniarnermik nangitsinissaannut immikkut sammisaqarpoq. Ajoraluartumillu nakorsanik inuusunnerusunik marlunnik oqaasilinnik nakorsatut immikkut paasisimasalittut ilinniarnissamut tassunga pissarsinissaaq suliluatissimangilaq.

Pingaaruteqarpoq erseqqissassallugu, kulturi pingaaruteqaraluartoq, tarnikkut nappaatit atoruminaannerpaat – tarnikkut perulunnerit – kulturit akimorlugit tamaniimmata. Tamanna imatut paasineqassaaq, napparsimanermi tunngaviusut napparsimasullu agguarneri kulturini assigiinngitsuni tamani assigiimmata.

Tamanna, kulturit akornanni allanngorarnerpaajuvoq, tassaalluni inuiaqatigiit ataatsimut tarnikkut nappaammut isiginnittariaasiat. Taamaattumik peqqinnissaqarfik tarnikkut nappaatilinnik katsorsaannermi ilaqutaasunik tarnikkullu nappaatinik katsorsaannerup avataanit sulianut suleqatigiinnik suleqateqarpoq inuiaqatigiinni tamani tarnikkut nappaatinut ilisimasat paasinninnerlu siammarterniarlugit – soorlu ukiumoortumik tarnikkut nappaatillit katsorsarneqarnerannut ulloqartitsisoqartarluni.

Inussiarnersumik inuulluaqqusillunga
Med venlig hilsen


Doris Jakobsen
Peqqissutsimut Naalakkersuisoq